

Gogo - Ziswanu-Zimbi Lihala Mandiko Gono Gelile - Good-Bad Mind Scriptures

Ziswanu Lihala Mandiko Gono Gelile - Good Mind Scriptures

Maluko 5:15 Wakamuziza Yesu, wakamuwona no munhu yuyulya mono yali yena litewa lye macisi yekaye hasi, yavwalile ne myenda, yena ne mahala gakwe, yatulile, nawo wakogopa muno.

Luka 8:35 Wanhu wakaza wazilanje zono ziweye; wakafika kuli Yesu, wakamuwona munhu mono yali yalavywa macisi, yavwalile myenda, yena ne mahala gakwe; yekaye ha magulu ga Yesu, wakogopa muno.

Watumwa 17:11 Wanhu wa kuko wali waswanu muno, wacizize awalya wa ku Tesalonike. Wayibocela nghani na nhumbula yono yina nyhilu mbaha, wakalondolalondola nhondo zose mu Mandiko Gono Gelile, ho wawone zono wazilongaga wa Pawulo na Sila hono zali za mbeka.

Watumwa 20:19 nghumwitumamila Muwaha ko winenenyhezi wose, ne mahozi, ne magazo gono ganyagana so wungwele we Wayahudi,

WaLumi 7:25 Ninga, u Mulungu yalumbwe, mono yakusumila, muli Yesu Kilisito Mutwa wetu. Ale nhavivyo vyo ninha, vyono nene no mweneco mu mahala gangu, nghuwitumamila u Wulajilize wo Mulungu, ninga mu muwili, nghuwitumamila u wulajilize wo wubi.

WaLumi 8:6 Imahweso ge cimunhu-munhu, galetaga wufwe, langa imahweso go Muhe, galetaga wumi no mulamu.

WaLumi 8:27 Nayu u Mulungu mono kawonaga sunga mo mugati mu zinhumbula ze wanhu, yalimanyile ilihweso lyo Muhe yuyo, hambi u Muhe yuyo, nha kawalombelaga iwanhu wo Mulungu mu wuhile wo Mulungu.

WaLumi 11:34 “Hambi nani mono yasuma kulimanya i lihala lyo Muwaha? Hamba nani mono kosuma kuwa mulanjilizi wakwe?

WaLumi 12:2 Kanyhi mulece kwiga imikalile ya lulu ya mononze yiyi, langa u Mulungu yamupitulenyi mu zinhumbula zenyu ko kugapitula imahala genyu. Bahi langa ho mosuma kuwumanya u wuhile wo Mulungu, no kuyizuka inghani yono swanu, yono yikumunojeza, kanyhi yono yikwilaniciye.

WaLumi 12:16 Muweze no wuswanu wu wulya du, muli nyenye wose. Mulece kuwa wedunhumuzi, langa mukwejelwe kuli zo witume wo winenenyhezi. Mulece kwiwona nha mono mwina mahala kuciza.

WaLumi 14:5 U munhu yadahile kwihwesa vyono lizuwa linji lina nhunizo si

nha lizuwa linji, munhu yunji kosuma kwihwesa vyono ivilo vyose viling'aniye. Ninga u munhu wo wose yatyatye nha vyono yakuwona mweneco mu mahala gakwe.

WaLumi 15:6 Ho nanye wose mumukumye u Mulungu u Sogo yo Mutwa wetu Yesu Kilisito na nhumbula monga ne lizi limonga.

1 WaKolinto 1:10 Nye wandugu zangu, cikumunenenyi muno, mwi'tagwa Iyo Muwaha wetu Yesu Kilisito, vyono mweze mulaganiye kumonga, muli yo yose yono mukulonga, halece kuwa na matemanuko ganji go gose muli nyenye, muweze ne 'hweso limonga kanyhi no wuhile wumonga.

1 WaKolinto 2:16 Nago i Mandiko Gono Gelile gakutya, "Yo nani mbi mono kosuma kugamanya i mahala go Muwaha? Yo nani 'mbi mono kosuma kumulanjiza?" Ninga ase, cina i lihala lya Kilisito.

2 WaKolinto 7:7 Ninga si so wuze wakwe Tito du wono wacisangalaza, ku soko yo wusindamikwe wono mwamupela. Mwene yaciloloseza nha vyono mwendile muno kwiwona nane, kanyhi na vyono mwina wukalale, na vyono mukuhila kunhetela. Ne nghani yi yi yikusangalaza muno.

2 WaKolinto 8:12 Hono munhu yawe yena mutima wo wutazi, u Mulungu nayo kabocelaga co cose cono u munhu yuyo kosuma kulavya, Mwene si kakanililaga yaye. (1 Kronika 28:9)

2 WaKolinto 9:2 Manyile vyono mwina nhumbula yo wutazi, nane nghalumba ku soko yenu so nghani yiyo kuli wanhu we Makedoniya. Nawalonjela nghatya, "Wandugu zetu wono wali ku Akaya, wali wewikanize kunoza wutazi ku wulawa mwekazo." Holeka u wihinde wenyu, wakondya kuwaswaswaniza wanhu wenji muno.

2 WaKolinto 13:11 Na ye ndumilizo, wandugu zangu, nghutya, mwikalaje! Mweze mukamile, muwibataje muno muno u wijize wangu, mweze mulaganiye kumonga, mwikalaje mwilamuye. Nayo u Mulungu wo wendo no mulamu, kowa hamonga nanye.

WaEfeso 4:23 Mwinozaje wupya mu zinhumbula na mu mahala genyu.

WaFilipi 2:2-5 Ale tuyifisilizizaje i nyemo yangu mu wuwa na mutima monga, wendo monga, nhumbula monga no wuhile wumonga. 3Mulece kwitumila nghani yo yose mu mutima wo wivu, hamba mu widunhumuzi wa bwete, mweze mwina winenenyhezi nyenye wose, na munhu wo wose yamuwonaje tuyagwe yo yamucizize lilumbo sinha mweneco. 4 Halece kuwa na yunji mono yakulondola cambuzi cakwe mweneco du, langa cambuzi co tuyagwe. 5 Muweze no wuwe wuwulya wono yali yena nawo Kilisito Yesu.

WaFilipi 4:2 Anye Ewudiya na Suntike, nghumulombenyi dedede mujele kuwa

mwilumbanize kumonga kotya munhu no mwanakwawe, muli Muwaha.

WaFilipi 4:7 No mulamu wo Mulungu wono wucizize u wumanye wose we wanhu, womukamisenyi zinhumbula ne mahala genyu mu wilunza na Kilisito Yesu. (Isaya 26:3)

WaKolosayi 3:12 Anye muli wanhu wo Mulungu, u mwene yamwendenyi anye kanyhi yakamuhaguleniyi. Holeka nanye muvwale i nhumbula yo lusungu, wuswanu, winenenyhezi, wupolo, no wukangalizi.

2 WaTesalonike 2:2 vyono mulece kuwa na mahwele ge mbela mbela mu zinhumbula zenyu, hamba mulece kogopa so wulonje wo wutya, "I lizuwa Iyo Muwaha lyakondya kuza." Lunji yikwihweswa vyono i nghani yiyi yikulawilila mu wuwile wunji wunji, hamba mu wuganule, hamba mu baluwa yono yikutegwa vyono yilawiliye kono kwetu.

2 Timoteyo 1:7 Hambi u Muhe mono capegwa no Mulungu, si Muhe mono kocinoza ciwe woga, a, a, ng'o, langa yo Muhe mono kocipela wendo no wiqidime.

Tito 2:6 Ne wazelelo nawo nha vivyo, wuwafundaje wawe no wiymizi.

WaHebelaniya 8:10 Ne cilagane cono nonoza ne wanhu wa Isilayeli mu vilo vyono vikuza nha cocino, nologenjiza i malajilizo gangu mu mahala gawo, kanyhi nologandika mu zinhumbula zawo. Nane nolowa Mulungu wawo nawo wolowa wanhu wangu.

1 Petelo 1:13 Ale, holeka mwiwikanizizaje lukulu ko wuhile no kwikala meso. Wicenyi witumbilo wenyu wose mu wumoti wulya wono molopegwa mwi'daha Iono Yesu Kilisito yakwijela!

1 Petelo 5:2 Ale, ane nghumunenenyi, muyidimaje yiyilya imhuga yo Mulungu yono mwapegwa, muyilanjlile, si ne dindimiza langa kwe nhumbula, nha vyono kasakaga Mulungu. Muwitumaje u mulimo wuwo si kwe masulumizi ge zipesa, langa kwe nhumbula zenyu zose.

2 Petelo 3:1 Nyo wendece wangu, ayi yo baluwa yangu ye kejete yono nghumwandicilenyi. Na mu zibaluwa zizo zinyejete, nali kujela kumuswaswanizenyi i mahweso maswanu ga mu mahala genyu, ko kumukumbucizenyi zinghani zizi.

Yakobo 1:17 Ivipegwa vyose viswanu ne vilavywa vyose vyono vikwilanicie vilawaga ku wulanga, vilawaga kuli Sogo yo munhu, u Muwumbi we mazelu ga ku wulanga, mono yasina cipitupitu hamba yasina cinji co cose cono cosuma kumuletela wupituce. (Jobu 23:13)

Wugubule 17:9 "Ninga baha, hakusaka mahala no wizuce! Vyono yiyo i mitwe mupunghati, go matunda mupunghati, no mucekulu yuyo yekaye mucanya yago. Ne mitwe yiyo kanyhi, wo watemi mupunghati.

Zimbi Lihala Mandiko Gono Gelile - Bad Mind Scriptures

Maluko 7:21 Hambi mugati, mu zinhumbula ze wanhu nha mo galawaga mahweso mabi, gono gakuleta wusenyha, wuhizi, wuwulaji, (Ezekyeli 38:10)

Luka 12:29 Holeka mulece kugazika mu mahala genyu, akuno mukuhangawicila cono molya, hamba cono mong'wa.

Watumwa 12:20 Nay o Helode yakakozwa likuwo muno na wanya Tulo na Sidoni. Ninga wene wakamutumila wanhu. Nawo wakasuma kumutuga Balasito yawe ku lubavu Iwawo. Balasito yali mulanjilizi muwaha we likulu lyo mutemi. Wakamubitila Helode, wakamulomba hawe mulamu, vyono yisi yawo, yali yitumbiye kutuga zindigwa kulawa ku yisi yo mutemi.

Watumwa 14:2 Ninga Wayahudi wanji wono si wasaka kwihuwila, wakawasagahaza wanhu wono si Wayahudi no kuwatajila nhumbula yo lusulo ho wawabeze we zindugu.

WaLumi 1:28 Kanyhi vyono iwanhu wakalema kuwa hamonga no Mulungu, nayo Mulungu yawalecile mu mahala gawo go wajilile, ho wetume zono si wali wanojeye wazitume.

WaLumi 8:6,7 Imahweso ge cimunhu-munhu, galetaga wufwe, langa imahweso go Muhe, galetaga wumi no mulamu. 7 Hambi mono yatemigwe ne mahweso ge cimunhu-munhu, nha vili sili no Mulungu, si kawuhulikaga u wulajilize wo Mulungu, hamba si kosuma kuwuhulika yaye.

WaLumi 11:20 Sawa, gapanyulwa ku soko yo wula wihuwi, ninga agwe wimile ku soko yo wihuwi wako. Ninga wulece kwilumba, langa wogope.

2 WaKolinto 10:5 no kuvikumulanga vimizi vyose vyo wiwoni, vyono vikwimila u wumanyo Mulungu, cikugakwega i mahweso gose, no kuganoza gamuhulice Kilisito.

2 WaKolinto 11:3 Ninga nghogopa yilece kuwa nhe lizoka lyono ko wusugu walyo wo wulambi, likamukoca Hawa, i mahweso genyu gadahile kwajilizwa no kuwuleka u wihuwilwa wenyu we mbeka kuli Kilisito.

WaEfeso 2:3 Hamba na sese cali cinha cinya wawo, cawutyatyaga u wusulumizi wetu we ciyinze yinze, no kwitura zinghani zizilya zono zayendezaga imiwili yetu ne mahala getu, kuciyinze yinze, vyono wenha wene nhavivyo na sese, ilikuwo lyo Mulungu lyali licinojeye licagane.

WaEfeso 4:17 Ale, nghumusugulenyi mwitagwa lyo Muwaha, mulece

kujendelela kwikala kanyhi mu mikalile nha ye wanhu wono si wamumanyile u Mulungu, wono i mahweso gawo gaweza wulele,

WaKolosayi 1:21 Na nyenye katali mwali mutemanuywe no Mulungu, kanyhi mwali walugu wakwe ku soko ye mahweso genyu ne metumo i mabi. (Wihwanicizo 21:27; Ezekyeli 23:17)

WaKolosayi 2:18 Kanyhi mulece kuvumila kuling'anizwa na munhu yunji, mono yakwinoza nha munhu we lilumbo ku soko yo wuwona wugubulilwe wakwe, no kwisacila u winenenyhezi wo wulambi, no wuhembi wo kuhemba wamalayika. U munhu mono yenha nhavivyo yalelepeye mu mahala go wulele ge ciyinze yinze.

1 WaTesonike 5:14 Kanyhi cikumunenenyi wandugu zangu, muwafundaje i wanhu wadoba, muwasinyhimikaje we zinhumbula zinyoga, muwebatilizaje wono wasoceye, kanyhi mweze na ngola kuli wose.

2 WaTesonike 2:2 vyono mulece kuwa na mahwele ge mbela mbela mu zinhumbula zenyu, hamba mulece kogopa so wulonje wo wutya, "I lizuwa lyo Muwaha lyakondya kuza." Lunji yikwiweswa vyono i nghani yiyi yikulawilila mu wuwile wunji wunji, hamba mu wuganule, hamba mu baluwa yono yikutegwa vyono yilawiliye kono kwetu.

1 Timoteyo 6:5 no wiwanganile wono wusina ndumo, wono wukulawa kuli wanhu we mahala gono gavizice, kanyhi wono wayisina imbeke. Wono wehwesaga vyono dini, mba yo nzila yo kutujila wugoli.

2 Timoteyo 3:8 Ne wanhu we liwala lilyo wawanganaga ne mbeka nha vyono Yane na Yambule, wawangana na Musa.

Tito 1:15 Zose zelile kuli wono welile, ninga kuli we makomaza na wono si wehuwiye, kusina cono celile, hambi i mahala gawo sunga ne viselinji vyawo nha vitipizwe.

WaHebelaniya 12:3 Ale, mwiwesaje ta, kuli zono zamwagana Yesu, nha vyono yakangalila u wiwanganile wuwha nha wuwwu kuli wanhu wanyo wubi. Holeka mulece kutukuwika mitima yenu hamba kukatala.

Yakobo 1:8 nha kekalaga yakukangamyanga mu mikalile yakwe yose, holeka yalece kutya kopegwa co cose kulawa kuli Muwaha.